

〔倭名類聚抄十二〕梅檀香

艾納香 廣雅云艾納出對國、

〔箋注倭名類聚抄六〕按證類本草載開寶本草云艾納香味甘溫無毒去惡氣殺蟲主腹冷泄痢

似細艾又有松樹皮綠衣亦名艾納可以和合諸香燒之能聚其煙青白不散而與此不同也依之艾

納有二其和合諸香者即松樹皮綠衣非出剽國者源君引廣志誤又按證類本草載開寶本草剽國

作西國香要抄引廣誌亦同然御覽所引與此合則西蓋剽字之壞

〔倭名類聚抄十二〕甘松香

迷迭香 魏略云迷迭香出大秦國、

詹糖香 本草云詹糖香詹糖二音占唐

〔箋注倭名類聚抄六〕原書木部上品同蘇敬曰詹糖樹似橘煎枝葉為香似糖而黑出交廣以南

李時珍曰其花亦香如茉莉花香氣又曰詹言其粘糖言其狀也

〔倭名類聚抄十二〕鬱金香

白芷香 本草云白芷香芷音止味辛生河東、

蘇合香 唐志云蘇合香出蘇合國蘇字反本草疏云是諸香草煎汁名也、

〔箋注倭名類聚抄六〕香要抄引同太平御覽引作蘇合出大秦或云蘇合國人採之釜其汁以為

香膏賣滓與買客按詳御覽所引文謂蘇合者出大秦國或云蘇合者大秦國人採之釜其汁為香膏以

其滓賣與買人也梁書海南夷傳載此事云蘇合是合諸香汁煎之非自然一物也又云大秦人採蘇

合先筴其汁以為香膏乃賣其滓與諸國買人是以展轉來達中國不大香也者可證源君誤以廣志

或說蘇合國人採之六字為一句讀遂為蘇合香出蘇合國香要抄襲其誤然無外夷名蘇合國者廣

志原文恐不如是本草蘇合生中臺川谷陶隱居曰俗傳云是師子矢外國說不爾今皆從西域來蘇